

BOSNA I HERCEGOVINA  
FEDERACIJA BOSNE I HERCEGOVINE  
OPĆINA LUKAVAC  
OPĆINSKI NAČELNIK  
Broj:02-05-326/16  
Lukavac, 15.04.2016. godine

Na osnovu člana 64. stav (1). tačka b), člana 88., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine, na Preporuku Komisije za provođenje postupka javne nabavke broj:02-05-326/16 od 14.04.2016. godine u postupku javne nabavke za reviziju izvedbenog projekta i inženjerskih usluga za gradnju objekata za prikupljanje oborinskih i otpadnih voda gradskog područja Lukavca - LOT 1 Općinski načelnik donosi

### **ODLUKU** **o izboru najpovoljnijeg ponuđača- LOT 1**

#### **Član 1.**

Prihvata se preporuka Komisije za provođenje postupka javne nabavke broj: 02-05-326/16 od 14.04.2016. godine i Ugovor za javnu nabavku usluga za reviziju izvedbenog projekta i inženjerskih usluga za gradnju objekata za prikupljanje oborinskih i otpadnih voda gradskog područja Lukavca – LOT 1 dodjeljuje se ponuđaču INSTITUT ZA GRAĐEVINARSTVO „IG“ d.o.o. Banja Luka, ponuda broj: 1018/16 od 17.03.2016. godine, za ponuđenu cijenu u vrijednosti od 1.800,00 KM bez PDV-a, kao najpovoljnijem ponuđaču.

#### **Član 2.**

Izabrani ponuđač je dužan prije potpisivanja ugovora dostaviti ovjerenu kopiju ovlaštenja za složene vodene objekte ili aktivnosti kao što je traženo tačkom 27. tenderske dokumentacije. Ovlaštenje se dostavlja kao ovjerena kopija.

Ukoliko izabrani ponuđač ne osigura navedeno ovlaštenje, smatraće se da je odustao od potpisivanja ugovora i ugovor se dodjeljuje sljedećem kvalificiranom ponuđaču sa rang liste koji posjeduje traženo ovlaštenje u skladu sa članom 72. stav (3) Zakona o javnim nabavkama i tačkom 27.stav 2. tenderske dokumentacije.

#### **Član 3.**

Prijedlog ugovora o nabavci dostavit će se na potpis izabranom ponuđaču nakon isteka roka od 10 (deset) dana, računajući od dana kada su svi ponuđači obavješteni o izboru najpovoljnije ponude.

#### **Član 4.**

Ova odluka objavit će se na internet stranici ugovornog organa ([www.lukavac.ba](http://www.lukavac.ba)) istovremeno sa upućivanjem ponuđačima koji su učestvovali u postupku javne nabavke, u skladu sa članom 70.stav 6. Zakona o javnim nabavkama.

#### **Član 5.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

### **Obrazloženje**

Postupak javne nabavke pokrenut je Odlukom o pokretanju postupka javne nabavke broj: 02-02-1-325/16 od 25.02.2016. godine. Javna nabavka je sprovedena postupkom konkurentskog zahtjeva za dostavu ponuda. Procjenjena vrijednost javne nabavke bez PDV-a je 8.000,00 KM.

Obavještenje o nabavci broj: 719-7-2-19-3-14/16 objavljeno je na Portalu javnih nabavki dana 02.03.2016. godine.

Komisija za provođenje postupka nabavke imenovana Rješenjem broj: 02-05-381/16 od 08.03.2016.godine dostavila je ugovornom organu-općinskom načelniku Zapisnik o pregledu i ocjeni ponuda broj:02-05-326/16 od 14.04.2016. godine, Preporuku o izboru najpovoljnijeg ponuđača broj:02-05-326/16 od 14.04.2016. godine i Izvještaj o radu broj:02-05-326/16 od 14.04.2016. godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljeno pet ponuda;
- da je blagovremeno primljeno pet ponuda;
- da nije bilo neblagovremeno primljenih ponuda;
- da su ponude ponuđača IBIS d.o.o. Zavidovići, IPSA INSTITUT d.o.o. Sarajevo, DVOKUT PRO d.o.o. Sarajevo, INSTITUT ZA GRAĐEVINARSTVO „IG“ Banja Luka i ZAVOD ZA IZGRADNJU a.d. Banja Luka kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu tendersku dokumentaciju utvrđeno je da procijenjena vrijednost nabavke bez uključenog PDV-a iznosi 8.000,00 KM i da je kriterij za dodjelu ugovora najniža cijena.

Pregledom ponude ponuđača ZAVOD ZA IZGRADNJU a.d. Banja Luka utvrđeno je da isti uz ponudu nije dostavio Izjavu da njegova ponuda ispunjava uslove za primjenu preferencijalnog tretmana domaćeg, zbog čega njegova ponuda u svrhu poređenja ponuda nije umanjena za preferencijalni faktor od 15%. Ponude ostalih ponuđača su umanjene za preferencijalni faktor od 15%.

Ponuđač INSTITUT ZA GRAĐEVINARSTVO „IG“ d.o.o. Banja Luka dostavio je prihvatljivu ponudu sa cijenom u iznosu od 1.800,00 KM bez PDV-a, koja je u odnosu na kriterij za dodjelu ugovora ocijenjena kao najpovoljnija.

Iz navedenih razloga, primjenom člana 64. stav (1) tačka b) Zakona o javnim nabavkama, člana 89., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 1C3/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine riješeno je kao u članu 1. ove Odluke.

#### **Pouka o pravnom lijeku:**

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.

#### **Dostaviti:**

1. IBIS d.o.o. Zavidovići
2. IPSA INSTITUT d.o.o. Sarajevo
3. DVOKUT PRO d.o.o. Sarajevo
4. INSTITUT ZA GRAĐEVINARSTVO „IG“ Banja Luka
5. ZAVOD ZA IZGRADNJU a.d. Banja Luka
6. Evidenciji i
7. Arhivi.-



**OPĆINSKI NAČELNIK**  
Dževad Mujkić, dipl. prav